


ҚАЗАҚСТАН РЕСПУБЛИКАСЫ ОҚУ-АҒАРТУ МИНИСТРЛІГІ
Алматы қаласы Білім басқармасының
«ALMATY POLYTECHNIC COLLEGE» КМҚК

Келісілді:

Директордың тәрбие
жұмысы жөніндегі орынбасары
 А. Абдраймова
2024 жыл

Бекітемін:

Колледж директоры
 М. Омарбеков
2024 жыл



Жатақхананың ішкі тәртіп Ережесі

1. Жалпы ережелері

- 1.1. Осы ереже «ALMATY POLYTECHNIC COLLEGE» жатақханасында тұратын студенттердің тұру тәртібін, құқықтары мен міндеттерін реттейді;
- 1.2. Осы «ALMATY POLYTECHNIC COLLEGE» жатақханасында тұру қағидалары Қазақстан Республикасының қолданыстағы заңнамасы негізінде әзірленді;
 - 1.2.1. Колледж жатақханасы басқа қаладан келген білім алушыларды оқу кезеңіне орналастыруға арналған (және одан әрі-жатақханада тұратындар);
- 1.3. Жатақханаға орналасу кезінде жатақхана әкімшілігі тұрғындар мен олардың ата-аналарын немесе студенттің заңды өкілдерін жеке қол қою арқылы ережелермен таныстырады, олармен қауіпсіздік техникасы және өрт қауіпсіздігі ережелері бойынша нұсқама жүргізеді;
- 1.4. Тұрғындарға жатақханаға кіру құқығына белгіленген үлгідегі рұқсаттама беріледі. Рұқсаттама студенттік жатақханаға кіру үшін тұрғындардың негізгі құжаты болып табылады. Рұқсаттаманы басқа адамдарға беруге қатаң тыйым салынады.
- 1.5. Студенттік жатақхана таңғы сағат 06.00-де ашылып, 21.00-де жабылады. (қысқы уақытта сағат 06:00-де ашылып, 20:00-де жабылады)

2. Жатақханада тұратын студенттердің құқықтары мен міндеттері

2.1. Тұрғынның құқығы бар:

- 2.1.1. өздеріне бекітілген тұрғылықты бөлмеде осы Ережелерді сақтаған жағдайда, оқудың барлық мерзімінде тұруға құқылы;
- 2.1.2. өздік жұмыс жасауға арналған бөлмелерді, мәдени-тұрмыстық шараларға арналған орындарды, жатақхананың қондырғылары мен жабдықтарын қолдануға құқылы;
- 2.1.3. жатақхана меңгерушісіне, комендантқа уақтылы жөндеу жұмыстарын жасау туралы, тұрғынның кінәсінен емес істен шыққан қондырғылар мен жабдықтарды ауыстыру туралы өтініш жасауға құқылы;

2.1.4. жатақхананың студенттік кеңесін қалыптастырып, оған мүше болып сайлануға құқылы;

2.1.5. жатақхана студенттік кеңесі арқылы тұрғын үй-тұрмыстық жағдайды шыңдау, тәрбие жұмысы мен бос уақытты дұрыс ұйымдастыру бойынша мәселелерді шешуге құқылы;

2.1.6. жатақханада орнатылған тұрмыстық техниканы қауіпсіздік ережелерін және өрт қауіпсіздігі ережелерін сақтай отырып пайдалануға;

2.1.7. ас үйін пайдалануға;

2.1.8. душ бөлмесін кесте бойынша пайдалануға.

2.2. Жатақханада тұратын студенттің міндеттері:

2.2.1. жатақхананың үй-жайларына, жабдықтарына және құрылғыларына ұқыпты қарау, оған жеке пайдалануға берілген мүлік үшін материалдық жауапкершілікте болу;

2.2.2. оқу сабақтарына кешікпеу;

2.2.3. жоғалған немесе бүлінген құралдар мен жабдықтардың құнын өтеу, колледж жатақханасына келтірген өзге де залалды өтеу;

2.2.4. белгіленген мерзімде коммуналдық қызметтердің жалпы бір жылдық төлемінің 50%-ын төлеу.

2.2.5. бөлменің техникалық жағдайын, санитарлық-техникалық және ондағы өзге де жабдықтарды қарау үшін, сондай-ақ қажетті жұмыстарды орындау үшін колледж өкілдерін бөлмеге кіргізу;

2.2.6. бөлменің, ондағы жабдықтардың немесе техникалық құралдардың ақаулары анықталған жағдайда оларды жою үшін дереу мүмкін болатын шараларды қабылдау және олар туралы жатақхана комендантына міндетті түрде хабарлау;

2.2.7. бөлменің, тамақ дайындауға арналған тұрмыстық бөлменің тиісті санитарлық тазалығын сақтау, белгіленген кестеге сәйкес және жалпы пайдаланудағы орындарда, қызметтік және тұратын бөлмелерде ылғалды тазалау жүргізу.

2.2.8. санитарлық ережелер мен нормаларды сақтау, оның ішінде төсек орын (көрпе тысы, ақжайма, жастық тысы) аптасына кемінде бір рет ауыстыру; жеке гигиена ережелерін сақтау (әр аптаның сәрсенбі күні санитарлық күн өткізіледі);

2.2.9. күн сайын бөлмелерінде ылғалды тазалау жұмыстарын жүргізу, үнемі санитарлық тазартуы тиіс;

2.2.10. рұқсат етілген тұрмыстық электр аспаптарын пайдалану жөніндегі нұсқаулықты қатаң сақтау;

2.2.11. сағат 22.30-ден 06.30-ға дейін жатақханадағы тыныштықты сақтау;

2.2.12. студент тәрбиешінің, комендантының, старосталардың тапсырмаларын орындау, орындамаған жағдайда ішкі ережелер бұзылғаны үшін жатақханадан шығару туралы өтініш беруге құқылы;

2.2.13. жатақханада өткізілетін жиналыстарға келу;

2.2.14. хабарландыру тақтасындағы ақпаратқа күнделікті мән беру;

2.2.14. оқу жылы аяқталғаннан кейін жатақхана комендантына (қабырғалары, есіктері, құлыптары, жиһаздары сынған жағдайда жөнделуі тиіс) таза қалпында тұрғын бөлмені тапсыру қажет.

2.2.15. Жеке гигиена заттарын (сүлгі, тіс щеткасы, ыдыс және т.б.) ғана пайдалану керек;

3. Жатақханада тұратын студенттерге тыйым салынады:

- 3.1. өз рұқсаттамасын (пропуск) бөгде адамдарға беруге және оларды жатақханада түнеуге қалдыруға;
- 3.2. спирттік ішімдіктерді ішуге, жатақханада алкогольдік, есірткілік немесе өзге де уытқұмарлық масаң күйде пайда болу;
- 3.3. есірткі немесе психотроптық заттарды пайдалануға, сақтауға, таратуға;
- 3.4. тұрғын үй-жайларда және жалпы пайдалану орындарында темекі шегу (оның ішінде кальян, электронды темекі);
- 3.5. жатақханаға спирт ішімдіктерін алып келуге, ішуге;
- 3.6. тұрғын бөлмелерге және жатақхана аумағына пневматикалық, травматикалық және суық қару әкелуге, сақтауға, пайдалануға;
- 3.7. діни сипаттағы жиналыстарды, "Діни сенім бостандығы және діни бірлестіктер туралы" Заңмен тыйым салынған іс-шараларды өткізуге»;
- 3.8. бір бөлмеден екінші бөлімге өз бетінше көшуге және қоныстауына; электр сымдарын қайта жасау және түзету жүргізуге;
- 3.9. тұрғын бөлмелерде және жалпы пайдалану орындарында қосымша электр жылыту құралдарын пайдалануға (үтік);
- 3.10. тұрғын бөлмелердің есіктердегі құлыптарды ауыстыруға;
- 3.11. жиһазды өз бетімен демонтаждауға және қалқалар салуға;
- 3.12. студенттік жатақханаларда жануарларды ұстауға, жиһазды бөлмеден бөлмеге өз бетімен ауыстыруға;
- 3.13. бөлмелерде, жалпы пайдалану орындарында коқыс қалдыруға;
- 3.14. терезеден коқыстарды және басқа да заттарды лақтыруға, терезеден су төгуге, кілем, көрпелерден шаң қағуға; терезе сыртында азық-түлік өнімдердерін сақтауға;
- 3.15. шатырға көтерілу, терезе алдында тұруға және отыруға;
- 3.16. азарттық ойын ойнауға.

4. Осы Ережені бұзғаны үшін жауапкершілік

4.1. Осы ережелерді бұзғаны үшін «ALMATY POLYTECHNIC COLLEGE» белгіленген тәртіппен тұратындарға қоғамдық, әкімшілік ықпал ету шараларының қолданылуы, Жарғыға және ішкі тәртіп ережелеріне сәйкес тәртіптік және өзге де жаза түрлері қолданылуы мүмкін. Төмендегідей:

- Сөгіс (қоғамдық пайдалы еңбек);
- Қатаң сөгіс (колледж ішілік есеп);
- Жатақханадан шығарылады.

5. Тұратындар мынадай жағдайларда колледж жатақханасынан шығарылуы мүмкін:

- 5.1. тұрғын бөлмені тәртібіне сай емес пайдаланса;
- 5.2. тұрғын бөлменің және жабдықтардың бұзылуы немесе зақымдануы.
- 5.3. бөлмеде тұратын студенттер бөлмедегі тазалық пен секция үшін, бөлмедегі жиһаздың, терезелердің, есіктердің, қабырғалардың, еденнің, төбенің, құлыптардың, есік тұтқаларының, розеткалардың, электр сымдарының, батареялардың, масалардың

торларының және бөлмеде орналасқан басқа мүліктің зақымдануы үшін ортақ жауапкершілікте болады; жатақхана тәрбиешісінің жазбаша ескертуінсіз студенттердің жатақханада бір күннен артық болмауы;

5.4. жатақхана тәрбиешісінің жазбаша ескертуінсіз студенттердің жатақханада бір күннен артық болмауы;

5.5. егер студент жатақхананың аумағында, бөлмелерінде, дәліздерінде және өзге де бөлмелерде, сондай-ақ оған іргелес аумақта жүйелі темекі шегуі, алкогольден немесе есірткіден мас болуы;

5.6. есірткі заттарды немесе психотроптық заттарды тұтынуы, сақтауы, таратуы;

5.7. жарылғыш, химиялық қауіпті заттарды сақтауы;

5.8. осы Ережені, Жарғыны және колледждің ішкі тәртіп ережелерін бұзу себебінен оқу мерзімі аяқталғанға дейін «ALMATY POLYTECHNIC COLLEGE» -ден білім алушыларды оқудан шығару

5.9. жатақхана тұрғынының жеке өтініші бойынша;

5.10. колледждегі оқу мерзімі аяқталғаннан кейін;

5.11. колледж жатақханасында тұру ережелерін өрескел бұзғаны үшін шығарылған студент жатақханаға қайта орналасу мүмкіндігінен айырылады. Егер тәртіп бұзушылық спирттік ішімдіктерді ішумен, бөлмеде темекі шегумен, өзге де жиһаздармен және 3.1. т. аталған басқа да талаптармен байланысты болса, бөлмеде тұратын барлық студент жатақханадан шығарылады.

5.12. оқу жылы аяқталғаннан кейін, студент комендантқа бөлмені, мүліктерді талапқа сай өткізбеген жағдайда, келесі оқу жылына студенттер жатақханаға қайта орналасу мүмкіндігінен айырылады.

5.13. студенттерді колледж жатақханасынан шығару бұйрық шыққан күннен бастап үш күннің ішінде жүргізіледі.